

Է

ԿԵՒՐ

ՅԻՍՈՒՍԻ ՔՐԻՍՏՈՍԻ Կաթողիկոս և ծայրագոյն Պատրիարք
ամենայն Հայոց, Առաքելականի Եկեղեցւոյս Քրիստոսի, և Տիեզերականի մեծի Աթոռոյս
Սրբոյ Էջմիածնի: Յորմէ սիրով և կարօտի և Քրիստոսականաւ Ողջունիւ ծանիր սի-
րելիդ իմ Յարութիւն Աստուածաբան Վարդապետ: Զի գիտես իսկ, և քանիցս գրեցաք
ևս թէ՛ դրամից յոյժ պակասութիւն ունիմք վասն ներկայիս շինուածոցն ծախուց, և
հասարակ պակասութեանցն Սրբոյ Աթոռոյս. և յուտեքէ զեկս ինչ ոչ ունիմք. առ այս
ի կարին մարդ յղեցաք, զի գքանի մի ուղտս գնիցեն վասն քարակրութեան և այլ ինչ
պիտանաւորութեան. և զայլս ոմանս հարկաւոր պիտանիս գործածելիս առնիցեն. ընդ
նմին և գրեցաք ևս անդ ոմանց բարեկամաց, զի եթէ կարելի իցէ՛ զգինս առնլեացն
տայցեն, և զչափաւոր դրամս ևս մեզ տայցեն. և մեք փօլիցայի ի պօլիսդ տացուք իւ-
րեանց: Որ և՛ ահա ի յԱրապկերցի մուրտիկենց Մահտեսի Փիլիպպոսի եղբայր Պարոն
Առաքելէն առաք զչորս հազար դուռ զրամս նաղտ ձեռամբ մեր Պարոն Մելքոնին, և մեր
Տէր Պետրոսին, զորս հասուցին մեզ ձեռամբ մեր համթայ նուիրակ Ստեփաննոս վարդա-
պետին, և փօլիցայի գիր տուաք որ ի Պօլիսդ դու սիրելիդ մեր ուստի և իցէ ի Գան-
ձանակաց և ի նուիրական արդեանցն Սրբոյ Աթոռոյս, հասուցես ի Վէգիբխան բնակեալ
Ակնայ կամրկապ զեղջէն մահտեսի կարապետի որդի Խօճայ Յակոբին. յետ ժԱ օր Վա-
տային, որպէս և Աբրահամ վարդապետ եղբօրն մերոյ ևս ծանուցաք: Վասն որոյ՝ հար-
կագրութեամբ գրեմ սիրելւոյդ զի առանց պատճառի և թարց զանցառութեան յուտեքէ
և իցէ հարկիւ հոգացեալ տայցես զայդ վերոգրեալ դրամդ, որ մեք աստ առաք. և զփօ-
լիցայագիրսն առնուցուս ի նմանէ և ընդ քեզ պահեսցես հանդերձ առ քեզ գրեցեալ
բարեկարգիմք մերով: Գիտեմ զի զխարճս Ֆէրմանացն և զգինս առնլեացն ի հոգալդ ոչ
այնքան մնայ դրամ ի քեզ, սակայն ի Գանձանակաց և յայլ յուտեքէ և իցէ պարտիս
հոգալ և տալ անպատճառ: Գրեցաք ևս յառաջ քան զայս զորքանութիւնս խարճեցելոց
դրամիցդ քոց. զի այն ի քեզ իբր դավճ մնասցէ ի միամտութիւն քեզ: Բազմիցս գրեցաք
և կրկին ևս գրեմք զի զգիրդ և զորպիտութիւնդ ի մէնջ անպակաս արասցես, զի այն է
բարին: Իսկ և զմէնջ, կենցաղավարիմք Աստուծով կերպիւ իւրք՝ չունելով քան զկարն
վիշտ, թէպէտ ունիմք զպակասութիւնս շատ՝ զորոց գրեալ եմ յառաջ: Վասն այսորիկ
գրեմ քեզ, զի մի՛ գուցէ ի Վատայէն անդր անցուցանիցես, և կամ ցաւեցուցես ի տալդ
զդրամս զայս, զի գիտես որ մեծ ամօթ է մեզ և անուանաբեկումն՝ սառաֆեն դոքա.
Ժ.ին Ժ.ոմի առնուն յետոյ ի մէնջ որպէս և պայմանագրեցին ևս, հարկիւ սիրով և
թարց զլիացաւութեան և յամեցուցման տայցես՝ և զգրեանսն առնուցուս ի ձեռացն:
Զայս գիր շուտափոյթ գրեցաք, վասն զի ի կարնոյ վայել էին յղեալ Վատայով. և մեք
ևս յերեան էաք ի տես խանին մերոյ, որովհետեւ ի հիւանդութենէ էր ելեալ: Գրեցաք
յառաջ թէ՛ որպէս պարտիս կենցաղավարել ընդ Պատրիարքին. և վասն մատանւոյն թէ՛
առ մեզ դարձուցես. և վասն ԲՈՒ դռուշին թէ՛ Մօսէս Վարդապետն ոչ ետ մեզ. և խըն-
դրեցաք զորպէս գնալն ձեր ընդ Գրիգոր Վարդապետին ի մարաֆարարութիւնն ձեր,
և զայլս այսպիսիս, զորոց զպատասխանին շուտով խնդրեմ. և լեր ողջ սիրելիդ իմ
ի տէր: Գրեցաւ ի ՌՄԺԳ [1764] թուին ի յունիսի ամսոյ Ժ.ուսն, և ի Ղուսանկար
Աթոռս Սրբոյ Էջմիածնի: